



## Publicaziuns dalla vischnaunca, jamna 23

### Damonda da baghegiar

**Nr. 2013-1034.000**

Datum da publicaziun: ils 7 da zercladur 2013

**Ils patrons:** Paul e Simone Walser-Degonda Via Run 2, 7180 Disentis/Mustér

**Il representant:** Aluis Huonder architect FH SIA SA Via da Scola 18, 7180 Disentis/Mustér

**Object:** Sanaziun d'ina casa da duas habitaziuns, parcella 589, Via Funs Dado, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret entifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 4-6-2013

*Uffeci da baghegiar Disentis/Mustér*

---

### Votaziun federala

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton *sil pli tard entochen venderdis, ils 7 da zercladur 2013 allas 17.00* tier l'administraziun communal (tel. 081 920 36 36).

#### *Levgiament da votar*

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar *suttascret* en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 8 da zercladur 2013 allas 12.00 uras tier l'administraziun communal.

Il certificat dil dretg da votar ei da suttascriver. *Senza Vossa suttascripziun cun agen maun ei la votaziun nunvaleivla.*

*Suprastonza communal Disentis/Mustér*



### **Cussegl da vischnaunca**

Il cussegl da vischnaunca seraduna *venderdis, ils 14 da zercladur 2013 allas 20.15* en casa communal a Mustér ad ina seduta.

Tractandas:

1. Protocol nr. 3-2013/2016
2. Lescha davart ils dretgs politics e regulativ da fatschentas:  
Revisiun parziala (messadi nr. 2-2013/2016)
3. Center da sport e cultura:  
Credit supplementar per sanaziuns urgentas (messadi nr. 3-2013/2016)
4. Canalisaziun Sontget–Carcarola–Ual d’Acletta:  
Damonda da credit (messadi nr. 4-2013/2016)
5. Ura da damondas  
(conform ad art. 44 dil regulativ da fatschentas)

*Il president dil cussegl da vischnaunca*

---

### **Cuorsa dil Rein – Impediments sin via**

Preziadas vischinas, preziai vischins

*Dumengia, ils 9 da zercladur 2013* ha liug la 6. Cuorsa dil Rein. L’occurrenza sespleiga denter las 11.00 e las 14.30. Duront quei temps eis ei da quintar cun impediments entras curridras e curriders sin suandontas vias dallas vischnauncas da Mustér e Tujetsch:

Via Acletta–Via Luzzas–Via Sut Baselgia  
Via Glaretsch–Vitg da Segnas  
Via Tguinter  
Via Bugnei  
Via Niriel  
Via Surrein/Cavorgia  
Via Cavorgia-sut  
Via Valzeinza  
Via Raviul–Via Salez e Via Buretsch  
Via Cuoz  
Senda Cavorgia–Mumpé Medel  
Via Mumpé Medel–Senda Cufllons/S. Gada  
Via S. Catrina–Funs-dado–Via da Paders  
Via Claustra  
Via Sursilvana denter Mobilias Fry e Via Disla  
Via Disla  
Via Brulf  
Via Cavardiras  
Senda Brulf–Fontanivas  
Senda Fontanivas–Cufllons

Bien engraziament per Vossa capientscha e Vies sustegn!  
Ulteriuras informaziuns ed annunzias sut: [www.cuorsadilrein.ch](http://www.cuorsadilrein.ch)

Cordials salids  
*igl ok la Cuorsa dil Rein*



### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon d'avevan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziell per Vies sustegn!  
*Vos pumpiers Sursassiala*

---

### **Uniun da catschadurs Péz Alpetta Salvament d'anseuls**

Preziosi purs

Ussa ei il temps che las cauras cavriel fan ansiel. Stedi setegnan ellas si cun lur anseuls en praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccond. Entras il disturbu da quellas prendan las cauras ils anseuls ord il prighel. Annunziass saveis far tier il cau da tgira sut la numera 078 817 72 30.

Bien engraziament per Vossa collaboraziun  
*Uniun da catschadurs Péz Alpetta:  
Il cau da tgira*

---

### **Uniun samaritana Mustér**

Nies proxim exercezi meinsil ha liug:  
*Gliendisdis, ils 10 da zercladur 2013 allas 19.30 en casa da scola, Cons*

A stedia participaziun envida  
*la presidenta*



### **Uniun samaritana Mustér – Cuors BLS-AED**

L' Uniun samaritana Mustér porscha il niev cuors da reanimaziun BLS-AED (reanimaziun cun applicaziun dil defibrilatur automatic).

**Datum:** Sonda, ils 29 da zercladur 2013

**Temps:** 8.30–11.30 e 13.30–16.30

**Liug:** Casa da scola Mustér

**Annunzias:** Ein da far entochen ils 19 da zercladur 2013 tier: Yvonne Flepp, tel. 081 947 50 35 e-mail: [yvonne.flepp@kns.ch](mailto:yvonne.flepp@kns.ch)

---

### **Turnier da Beach Volley e турниr da Beach Soccer**

Mira sut Sumvitg.